

雲南

山川志

楊慎

玉案山

玉案山在雲南府城西二十五里一名列和蒙山秀麗多泉石石有碁盤山北平坡中有三泉如盆池郡人春日游賞於此山中有玉案蘭若

金馬山

金馬山在東二十五里西到碧雞山中隔滇池山不甚高而綿亘西南數十里上有長亭下有金馬關

碧雞山

道藏輯要

天下名山記  
雲南山川志楊

美  
軫集六

碧雞山在西南三十里東瞰滇澤蒼崖萬丈綠水千尋月印澄波雲橫絕頂雲南一佳景也漢宣帝時方士言益州有金馬碧雞可祭祀而致王褒往祀至蜀而卒顏師古謂金形如雞碧形如馬未知果否

太華山

太華山在碧雞山西北

款雲山

款雲山在嵩盟州東四十里世傳蒙世隆征烏蒙得四女歸至此山四女遙望故鄉俯仰歎息忽山顛霧結三峰巒謂三為款注為雲其山齒翠獨峻登眺則雲南悉在目中又名峻葱山